


Dinonwane tša Archibald Rubenstein

ka Jaydean Botha

Kgalekgale, ka kopanong kgole, kgole mo go bitšwago Forcastanation, go be go dula mošemane yo mongwe yo a bitšwago Archibald Rubenstein. Go balapa la gagwe le bagwera, o be a tsebega bjalo ka AR. Mosegare, AR e be e le moithuti wa tlwaelo yo a bego a dira mešomo ya gae gomme a bapala ka ntle le bagwera ba gagwe ka morago ga legae. Motho a ka re e be e le motho yo a dulago a swaregile, goba motho a ka re e be e se motho wa go dula lefelong le tee. Eupša bošego, AR e be e le selo se sengwe le se sengwe, eupša motho wa tlwaelo.

AR o be a fetoga go ba molwantši wa bosenyi bošego, a boloka maphelo gohle gohle moo a bego a eya gona. O be a na le maikutlo ao a bego a mo tsebiša ge motho yo mongwe a le kotsing - mohuta wa maatla a magolo. Ka moo, o be a dula a lebelela, a phaphame, gomme a hlokomela. Tekolo ya gagwe e be e fokotšega gannyane bošego ge a thoma go lapa.

Ka bošego bjo bongwe bo itšego, o ile a lemošwa ka maatla a gagwe a ka gare gore motho yo mongwe o be a le kotsing. O ile a kitima ka pela go ya lefelong leo gomme a bona monna yo a sa tsebegego a sepela a lebile mosetsana yo a se nago molato yo a a bego a boa gae go tšwa

mošomong. A re bitše monna yo Monna wa go no Sepelasepela. Bjalo ka tlwaelo, ge AR a fihla lefelong leo, o ile a sekaseka kotsi le bošoro bja seemo seo. Ge a dira seo, o ile a lemoga gore monna yola o be a sepela ka tsela yeo o ka se kgonego go bona kgato ya gagwe ya go latela. O ile a tšea kgato e tee go la ngele, ke ge a boa morago, ke ge a ya pele dikgato tše pedi, e bile go feta fela - a sepela bjalo o ka re o tagilwe.

Ka nako ye e latelago, thekisi ya ema kgauswi le mosetsana yo a se nago molato. Monna wa go no Sepelasepela o ile a kitimela go ya go yena a mo lahlela ka gare ga thekisi. O ile a raga le go goeletša, a leka go mo lwantšha, eupša o be a se na maatla a mantši gomme mafelelong o ile a ineela. Monna wa go no Sepelasepela o ile a tswalela lemati, gomme thekisi e be e sa le go na le go sepela ka lebelo, AR o ile a tshelela godimo ga yona a swarelela ka godimo ga yona.

AR o ile a lemoga gore ye e be e se ntwaga yeo a bego a tla e fenyaga a le noši. O be a nyaka thušo. Ke mang yo a bego a ka mo thuša bokaone go na le mogwera wa gagwe yo mobotse kudu Martin Arlington, yo a tsebjago ka MA? Mmogo MA le AR ba be ba sa ka ba emišwa. Ba be ba tsebjaga bjalo ka dinkgwete tše dikgolo tša Forecastation. Dikuranta tše dingwe di ile tša thoma go ba bitša baetšela molao ka matsogong ba ARMA.

Ge MA a amogela mogala wa ga AR, o ile a tlogela tšohle tšeo a bego a di dira gomme a kitimela go yo thuša mosetsana yo a se nago molato. Ka mahlatse, MA o be a sa robale ka gobane bokgoni bja gagwe bja go dula a phaphame le go dula a phaphame bošego bo be bo sa lekane le bja AR. MA o be a kgona go dula a hlokomela diiri tše mmalwa bošego, eupša ka morago o be a robala gomme a se ke a tsoga go fihlela gosasa.

Ge MA a fihla lefelong la AR, le yena o ile a tshelela ka godimo ga koloi. Ba ile ba rulaganya leano la go dira gore ba kgone go tsena ka thekising ka lefestereng la monamedi. Bobedi ba ile ba tshelela ka gare, MA o ile a lwa le mootledi mola AR a kitimela morago moo Monna wa go Sepelasepela a be a eme gona. Koloi e ile ya dikologa tseleng ge MA a leka go e laola. Mafelelong, o ile a tlelwa ke maatla, gomme o ile a kgorometša mootlodi setulong gomme a mo kgoromeletša ka ntle ga



lelati. O kgonne! O ile a kgona go laola thekisi.

Ka nako yeo, AR o be a sa dutše a elwa le Monna wa go Sepelasepela kwa morago ga thekisi. Monyako wa morago wa thekisi o ile wa bulega, gomme AR o be a le kgauswi le go wa ge mosetsana a mo swara letsogo gomme a mo gogela morago ka gare ga thekisi. Ka morago ga go koketlela gape, AR o ile a tseba seo a swanetšego go se dira. O ile a raga Monna wa go Sepelasepela ka morago, a mo gapeletša go ya lebating la ka morago la thekisi. Monna wa go Sepelasepela a a tšea magato a mane go ya pele gomme a wela ka ntle ga thekisi.

Mosetsana yo a se nago molato o ile a lebelela AR ka mahlo a magolo a tšhogile kudu. O ile a kgona go bolela fela: 'Ke a leboga, baitšeeka molao ka matsogong ba ARMA.'

AR le MA ba ile ba bošetša mosetsana ntlong ya batswadi ba gagwe. Pele ba tloga ntlong ya batswadi ba gagwe, AR o ile a botšiša mosetsana leina la gagwe, gomme o ile a mmotša gore ke White Noise, leina le le loketšego mosetsana yo a se nago molato.

Matšatši a mmalwa ka morago, AR o ile a bona ditabeng gore Monna wa go Sepelasepela le badirišani ba gagwe ba swerwe.

AR le MA ba tšwela pele go lwantšha bosenyi go fihla lehono. Ba tsebjaga bjalo ka baitšeela molao ka matsogong ba ARMA, gomme ba phološitše maphelo a batho bao ba se nago molato le go lahlela banna ba babe kgolegon.